

## EJAPULO LJAASITAGONGALO MENGELA ETI 29. 8 1954.

Omasiku ngaka otse atuhe tua li tu nomanjanju ogendji omanene. Aajenda jetu jokokule omubisofi Marti Simojoki nomuulikitumo Tuure Vapaavuori oja talele po omagongalo ogendji. Oongerki dimue da japulua niigongi ojindji ja ningua. Oshituci oshinene shi vule ajihe jilue osha danua mEngela esiku eti 29 mu Augustus. Esiku eti 28 nokuli mua japulua aaevangeli 31 komubisofi Simojoki. Kejambelo kua li omubisofi muene naajakuli je jane. Omuulikitumo T. Vapaavuori kua uuvica. „Jesus oku noshipatululo shomuenejo. Oohapu da Kalunga tadi minikile.“

Etango ljosondaha eti 29 sho lja piti, olja ada mEngela aantu ojendjijendji. Ajehe ja li ja hala okuja mongerki, ihe ongerki nando onene ngaa oja kuatele mo aashona ajeke jomaantu mboka ja li ja hala mo. Mboka inaa guana mo meni oja kuutumba pondje no ja kambadala okupulakena oohapu da Kalunga doka da popiua meni mongerki.

Omuulikitumo T. Vapaavuori kua uuvica mu Luk. 18:9-14. „Nando tse aakriste otatu vulu okuinenepika. Kalunga ta vulu okutala meni ljetu no ta mono omadiladilo getu. Ombepo ja Kalunga nge ta minikile aantu, ojo taa hempulula oondjo dauo. Ihe omuntu ngele ti inenepeke ota ningi omuposi.“

Ejapulo ljaasitagongalo lja ningua komubisofi M. Simojoki. Kua li e naajakuli 9 moaltari no kombanda pondje joaltari kua li aasitagongalo ja cikama jane.

Oshoka aantu ojendjijendji inaa uapa okuja kEngela ihe ja kala pamue na mboka ja gongalele moshituci shika oshinene nomagalikaneno gauo, onke tatu eta mpaka oohapu domubisofi Simojoki kue di popi mejapulo ljaasitagongalo.

Oteksti je ja li 1 Petr. 5:5. Kalunga ha tondo aahooluunsa ihe ta silohenda aaneifupipiko. „One omua ningi aalongicua jOmukuaniiua guakuaniiua. Okuo esilohenda enenenene. Iilonga jeni otaji ka ninga oji ili noji ili. Jimue iinene ja simana, jimue iishona. Jimue taji longua koshipala shaantu jimue muuika. Ihe iilonga jeni ajihe ji longeleni Omua. Dimbulukueni- aluhe kutja miilonga jeni ajihe tamu longicua kOmukuaniiua guakuaniiua. Oshilonga shOmua oshi neulumo. Manga tu nomutenja otu nokulonga, uusiku tau ja uuna itatu vulu ue okulonga. Oshilonga shOmua oshi neulumo. One mua ningi aakaleli je. Omusitagongalo ita vulu okukuca je muene oohapu te di poni. Oje ita vulu je muene okuuuca iilonga je te ji longo ando. Oje omukaleli, ihe omukaleli guOmukuaniiua guakuaniiua. Oje ote mu kalele ngini no te mu jakula ngini? Kalunga ha tondo aahooluunsa ihe ta silohenda aaneifupipiko. Pamue Kalunga kua tsondumbo na ngame, nando aantu ja hokua ndje. Aantu pamue haa ti: Oje e shi okuuvica naua, je e shi okukalacana naua naantu, oje a longua naua. Ihe nando ongeji, pamue Kalunga a tsondumbo na ngame. Kalunga ha tondo aahooluunsa. Okuninga omutondua gua Kalunga okuo iihuna jouala. Iihuna jouala ngele Kalunga a tsondumbo natse. Otatu shi dimbulula ngini?

Ohe jongerki Augustinus okua ti ngeji: Kalunga sho a geja, a fa ina geja nando.

Shika otashi ti ngini? Nge tatu dimbulula omuntu guontumba a adika koshiponga, otatu kuatua kediladilo ndika: Kalunga okue mu geele. Ihe Kalunga ngele a geja shili, ote eca omuntu a kale nombili, nokulikola nokuli naantu taje mu panda. Ihe Kalunga sho a geja kua eca omuntu a kale nombili. Omuntu a kukuta komueño, eiuvo lje itali mu kumagida ue. Kalunga te eca omuntu e hooluunsa okutsikila muunsa ue sigo tu ukile kejuko. Kalunga ta kuca po oshikaha she shegamenno. Kalunga ha tondo aahooluunsa ihe ta silohenda aaneifupipiko. Ongame sho nda japulilua uusitagongalo, omulongi guadje okua lombuele ndje a ti: „Omusitagongalo e hooluunsa kee noshilonga sha sha.“ Aaneifupipiko ote ja pe oonkondo noohapu du uuka no te ja pe uo aantu mboka kue ja hogolola ja hupicue. Omuvici gumue omunene, omupapuduli sho kua li pokusa okuume ke oje mu lombuele ja ti: Okusa kuoje okupu shoka ua peua omagano ogendji. Omusita nguka kua jamukula: Kandi na sha, ihe otandi peua. Nane uo itamu pumbua okuninga aashikeshike, aue, ihe otamu ka peua kOmua. Omusitagongalo gumue isheue sho kua li pokusa nokua pulua eitaalo lje nkene lja tja, okua jeluca oshikaha she nokua ti: Oshikaha shika kashi na sha, osho eitaalo llandje. Kalunga ha tondo aahooluunsa ihe ta silohenda aaneifupipiko.

Esiku ndika oljo enene shili. Aamuameme aahoolike one omagano kOuambongerki nosho uo na mboka ja japulua naale. Muka mua kala aaneifupipiko mboka ja peua omagano ku Kalunga. Muka mua kala ohepele ja Kalunga no moluauo Kalunga okua gandja omagano. One ejamukulo lja Kalunga komagalikano gaantu je. One omu uvite ko tuu ndi shi ngele tandi tumbula mpaka aatumua aasuomi jonaale ngashi kuku Nakambale. Omua dimbulukua omakondjo ge omadigu nomagalikaneno ge. Aakriste aahoolike, Kalunga ha gandja kaaneifupipiko. Ifupipikeni na Kalunga ta gandja oshindji shi vule shonaale. Nane uo aatumua aasuomi, ifupipikeni no tamu ka siluohenda. Kalunga ha tondo aahooluunsa, ihe ta silohenda aaneifupipiko. Omuhongi omunene William Carey okua ti: Tegelela oshindji ku Kalunga. Nane uo aamuameme aahoolike, tegeleleni oshindji, ihe dimbulukueni: Kalunga ha tondo aahooluunsa, ihe ta silohenda aaneifupipiko.

Aasita mboka ja japulilua uusita ojo mbaka:

Herman Sakeus, Olukonda  
Johannes Kalenga, Etiljasa  
Johannes Ekandjo, Oshitaji  
Johannes Shifiona, Oshakati.  
Malakia Alugongo, Oniipa  
Matias Kristian, Oshigambo  
Moses Shikongo, Eenana  
Naftali Amadila, Ohongo, Uukuambi  
Paulus Andreas, Okatope  
Simson Ndatipo, Ondobe  
Timoteus Andreas, Elim  
Titus Heita, Ombalantu

Mboka ja longua pamue na mbaka ihe ja japulua kOkavango ojo: Gideon Muremi, Kuring-Kuru na Elia Neromba, Mupini.

## IIPATULULO ITATU JOSHIGONGI-NGERKI.

Oshigongingerki sha gongala mEngela omasiku gane, eti 31 lja Auguste sigo eti 3 lja September 1954.

Mpaka tatu tumbula uala iipatululo itatu joshigongi shoka, ojo omauvico gatatu gokutamekica oshigongi.

Oshigongi osha tamekua otunti onti 10 jongula esiku 31/8'54. Aasitagongalo 41 momizalo duusita, naahogololua jomagongalo agehe gongerki onkuaevangeli pa Luther jo mOuambokavango aalumentu naakiintu kumue 78, naatumua aasuomi ja kondo 10. Ano ongundu ajihe kumue 130 kua hupa, otua kuutumba mongerki jo mEngela, melongelokalunga ljokutamekica oshigongi.

Oshipatululo shotango osho euuvico ljomumbisofi M. Simojoki, a lesa mepistoli kaaEfes: „Ano ngashingeji one kamu shi ue oondjendi naakuiilongo, aue, one mua ningi aakuauo jaajapuki naanegumbo ja Kalunga, mua tungilua momukanka guaaapostoli no gaaapofeti moka mua kala Jesus Kristus emanja ljekuvu, mu ngoka etungo alihe tali kuatacana kuumue e tali koko, tali ningi otempeli ondjapuki mOmua; no mujo nane uo tamu tungua, mu ninge egumbo lja Kalunga mOmbepo.“ Efes. 2: 19-22.

Omatumbulo gamue gomeuvico lje tatu ga eta uo mpaka; Oje a ti: „Aakriste aahoolike aatumua jomagongalo go mOuambokavango, one kamu shi ue oondjendi naakuiilongo, aue, one mua ningi aakuauo jaajapuki naanegumbo ja Kalunga. Kaku noohapu da Kalunga ngele kaku noshiguana sha Kalunga. Luther okua ti: Nkoka ku na oohapu da Kalunga oko ku na oshiguana sha Kalunga. Kalunga shaa ta popica omuntu noohapu de ote mu hili a je moshiguana she. Kalunga ina hala ojana je ja kale ja halakana, oje te ja gongelica oohapu de ja ninge oshiguana shimue.

Omahangano ogendji ge li muujuni mbuka ga tungua kaantu, na agehe ohaga halakana po mbala oshoka kage na omukanka gua kola. Dimbulukua oshungo ja Babel, omukanka guajo oguo uunsa uaantu, Kalunga no kue ji kumuna po. One mua tungilua momukanka guaaapostoli no gaaapofeti. Omukanka nguka oguo oohapu da Kalunga doka da peua aapofeti naajapostoli. Aana ja Kalunga ihaa igongele jojene, aue ohaa gongelua koohapu da Kalunga no haa pulakene eui lja Kalunga moohapu de.

Opu na iimpaga ojindji muujuni jomaitaalo giili no giili, oja holoka tuu mpoka mokudiladila Kalunga pamadiladilo gaantu, ojo je eca okutaamba ehoolo lja Kalunga sho iholola moohapu de. Luther okua ti: „Tu shuneni ku Mbimbeli“ - Aakuanegongalo aahoolike jo mOuambokavango, kuateni aluhe koohapu da Kalunga. Egongalo ndjoka li ikuatelela moohapu da Kalunga di nomuenjo, oljo alike li nomuenjo.

Kristus emanja ljekuvu oje evangeli ejapuki li nondjilo. Eliko enene ljongerki oljo evangeli ejapuki lja jela, evangeli ndjoka tali tu etele edimo ljoondjo. „Diginina shili shono u shi na, uaa jugue nando ku lje...“ Diginina evangeli lja jela. Tate pokusa kue okua lombuele ndje: „Omumua ndje, uuvica aluhe evangeli, dimbulukua aluhe kutja maapulakeni joje omu na aluhe aantu taa pumbua evangeli. Opu na aauuvici jamue haa tsilike evangeli miitaji jomuti puuleeleka, aapulakeni taje li ligamene ashike jo itaa peua sha“.

Etsikilo kepanja eti 3.



## SHITLANGU.

omuna guokombanda.

Lja njolua  
ku  
Andre de Clerk  
na  
Edoardo Mondlane  
Lja lundululua  
ku  
Hosea Namupala,

Etsikilo.

Pecimbo tuu ndjoka ondu uvu eui euanaua ljehekeleko tali imbi kokule. Eeno oMadsheriman te ja a piice iikombo jaandjetu e ji fale komalicilo, nokua li ta hiki okashandja ke.

Kuku okue egulula omueelo guondolongo jandje, oshikumiamukiintu nguno okua jeluca omake nokua pe ndje uujelele, a imbile ndje nokua njanjukilua ndje. Ongejo okugeela okamuanagona oja piti. Eee, Madsheriman oje naanaa ngoka, ta zi kondjila; ta piti momugongo gu li pooha degumbo nogua opala po, note ja koshigunda shiikombo.

Ihe meme okua icana ndje. Madsheriman okua li a tegelele sha. Ota peua uutoje uasha, nenge uukaja. Inima ja tja ngaaka ihaji zi kaakiintu oohepele. Ihe oshike haje mu hepeke?

„Madsheriman, ongoje omusita u shi oshindji. Shitlangu ou mu luate. Otatu mu gandja ku ngoje u je naje kuusita. Oto ke mu tonatela tuu?“ Kuku osho a pula.

Pecimbo ndjoka meme okua ji kondunda jokupungula, ondunda onshona ji li momukuejo guoonkuauo. Oja li ji na okambululu ke li mekuma. Meme okua kuca po okasiikilo nokua ji mo oshikaha. Oje okue eta mo iikulja jiili nojiili- ihe kaji shi jandje.

Ondu uvu naji. Omahodi ogu uda isheue omeho gandje. Opo mpoka meme okue ja ku ngame nokua popi ncmibili: Ou uete ko, Shitlangu, onde ku eta nale muujuni. Nale ndjija nokuli oomvula noma-cimbo goluteni ga kala haga landulacana oluindji. Oue tu ulukile kutja ngoje ku shi omulumentu omushona. Oto ka ninga ngiini omugundjukalela guomiihua? Okuja na Madsheriman nokumatuka uo konima jiiikombo. Oto ka ilonga uudano ualumentu noto ka ninga omuumbi guegonga ta simanekua koombinga adihe doshilongo. Ngele ua ilongo okutakamica iikombo ngoje muene, oto ningi omukongo guoodila. Na olje e shi shi ngele siku limue itandi ke ku pa ondjuhua u lje! Oshiuanaua okukala pooha domitutu mpe! Oua diladila tuu, Shitlangu, uanaua uukombuena, na ou shi shi tuu nkene okanzigona ke li po okapu uana ue ka humbata komapepe goje? Ashihe otashi ku tege nkujaka—ongoje to ka kala kuume ka Madsheriman!“

Okua pungulukile ihe komulumentu: „Onaua, Madsherima noto kala nokutonatela Shitlangu hasho?“

Omahodi oga adika ga gongala konima jomuligu guandje; ngashingeji oga gu mo. Omuidigu uandje onda lili: „Meme, onda sondjala! Otandi ka lila mo shike momitutu muija?“

Oshoka onda igilija okukala te cipi note kunjja sha ecimbo alihe. Otandi ka adika koshike mokuza paakiintu auaanaua opegumbo?

Omunandunge meme okua jamukula: „Tegelela kashona, otandi ku pe etampi noshipambu shoshikuiila. Otashi ku ningile shike?“

Meme okua tula onguta jandje moshimbamba. Ngashingeji onda hekelekua nonda ilongekida okuja koocha nooha devi.

Shaa otua ada omasilu, kuume nomutonateli guandje okua tumu ndje ndi ka galule oonzi di tadi zi mondjila. Noshimbamba meke, onda matuka. Ondu uka komeho no inandi didilika kutja ondu-

montsezi jonzi ndjoka haji ende j' inenepeka moonkuauo.

Oshimbamba shandje itashi pe ndje nando oshinge shoka hashi gandjua koshi tago.

Oshitago osha pumbiua kokamatjona nga ngame taka hingi oonzi. Inapa pita ecimbo ele shika onde shi didilika. Mokuu- nuudigu onda hingi ontsezi jonzi. Oja jeluca omutse noja mono kutja kandi na iiti. Oja ukilile ndje, ja shuna oonkatu dimue luanima, noja pu ko noonkondo adihe. Elago enene oja ngukula ndje ouala pombunda noja galangatica ndje nda fetanga. Omomahodi, onda icana aakuluntu kekuaco llandje nonda kambadala okucikama po. Ihe evi oli na iinkulukutumba nosha njanjuda ongundu nda li najo sho nda tsikile ko isheue. Kombinga jontsezi, oja kala nokutala ndje, ja muena notaji tegelele ecimbo oku gu mana mo.

Aalumentu sho ja mono sha ningua ecimbo lja guana, oja tumu omusita gumue e je a kuace ndje, e na oshitago nokua tidile ontsezi koonzi oonkuauo.

Kokucikama ku vule lumue onda diladila oshinima shimue ashike: Openi pu uka iikulja jandje. Sho nda suukulula etampi noshikuiila ja njanjulua noja tsipagulua, uudigu uandje oua li uaa nongamba. Aasita oja kanica omukumo nokutilahi omahodi noja shunica okakatalume ku jina.

Ontopolua. 2.

### KAANA JOMUNENENTU.

Nale onale. Oomvula dija, mu doka onkalelo joshiguana, oshiholekua sheso noshomuenjo, ja li ja hololelua ndje, ohadi ja momadimbuluko gandje ongondumba jiiagaja. Shitlangu

Ookuku oja li je nelago. Oja li ja luku omimvo omadina. Oja li ja valua: „omumvo guooniga,“ „omumvo guoombidi,“ „omumvo guoongue“ Konima oja li uo je na uuleko, nkoka ja tsilike omadimbuluko gomasiku ga pita. Ihe kutse, mba tua mono uujelele mepangelo ljiilumbu, tua kokele momagumbo kaaga uuvite ejalulo ljoomvula dopatiligane ngashi li li po ngeji: 1900, ajibe oja vundakana. Omulongi omutsonga.

Oje sho a mono ndje tandi galuka kuusita nomahodi, meme okua li u uvite oluhodi potango. Konima okua uvu shoka sha ningua po. Nda li inandi longua ehistori ljezimo ljetu. Oje a tokola okulonga ndje. Okuza kecimbo ndjoka okua kala ha icana ndje oluindji kuje. Mokuu- mba poshijala, okua lombuele ndje kashona na kashona mbjoka nda li ndaa ji shi.

„Kamuandje Shitlangu, ou shi shi tuu, kutja esiku ljevalo ljoje oli na esimano membo ljoomvula doshiguana shetu. Sho ua valua oua hambelulua nenjanju. Onkene muuandje, ino taalela okukalanuenjo noongandji.

„Ihe ondumba jandje joofukua oja li ju uda evi noja li ja jole ndje

Shitlangu, edina ljoje olje ku pe oshilongualonga oshinene. Otandi ku fatululile sha -- ngoje oua guana oku shi uva ko. Ongoje oua valua konima jomacimbo omale ga pita, pokavi kokufu, pecimbo ljefukulo ljoombundufukua. Ho Mushlotang okua li a za po. Okua li ta taaguluka iishana, te ende koocha doshilongo ta pitile momahafu omatokele nomambulau. Okua li ta kongo iipandi joosapala oondjelele, diicini jiiti jomomadija ja kola opo jaa gumue- kuuhua, nomuiidi omukuaja, ngoka aakiintu ja deuka ja li je noku gu humbata komitse da- uo nokupitila momahafu nomiihua, diladila ofraha onene ngiini kamuandje. Okua li a gongele uo oondumba diiti nodomuiidi, jimue oja kola noja kukuta, na jimue oji igonja ongenongo. Na konima okua juguna omiiti detu domimbolombonga, gumue ngono u uete mpono, okua juguna ko epambu enene ljepeta.

Tapu tsikilua.

## ETAANDELICO LJEVANGELI MU MEXICO.

Mevi lja Mexico mu Amerika ljopokati omu niilongo ojindji jaavaleluamo. Oshilongo shimue sha tja ngaka, edina ljasho Chol, oshi naantu 22.000. Kombanda joomvula 10 konjala ajehe oja li inaa tseja Omukulili. Okangundu kaakriste oka li po okashona kouala.

Opo ihe aancu joku Chol oja mono omuhong omupe. Oje a kongo ondjila ompe jokutaandelica evangeli. Kehe oitaali okua li e nokuninga omuhokololi guOmua. Shaa tuu omumati nenge omusamane a longua okulesha, oje a peua ongundu jaatameki e ja pukulule. Omboka ja hala okupukululua naua, oja ka longua komu- longi. Oja ji kongulu je nonguta jauo jene, no ja kala ko omasiku nge gaali nge gatatu. Nge pua piti iivike iijaali nenge iitatu, oja shuna ko isheue ja ka longue.

Tango aalongua mboka oja leshicua ashike. Oja tameke nomahokololo gomo Mbimbeli, sigo oja tameke okulesha oMbi- mbeli jojene. Komeho oja li je nokuhokolola uo shoka ja li ja lesa. Mongundu ja landula ko, oja pulua uo omapulo. Nge ja li ja ka longua ngeji andola oomvula mbaali, oja uapa uo okujeleka oohapu doka nokukala kuauo. Sho ja ciki sigo mpoka, oja ningi aauvici. Ha aauvici jokutota omauvico guunkulungu, aue, aahokololi joohapu ouala Moshiviike shontumba, sho ja ji pongulu, oja leshicua oteksti josondaha taji ja, noja pulua omapulo ogendji, sigo oja uvu ko, oteksti shoka ja ti. Opo ne oja tumua oojaali noojaali komikunda. Gumue guo- mujo oku uvica pecimbo ljongula. Oje okua lesa oteksti lumue nenge luaali nokue ji hokololulua noohapu de muene nokue ji jeleka uo pafupi nokukala kuaantu mboka. Opuo mpoka. Mukuauo okua ningi ngeji pecimbo ljokomatango. Naje uo ina kambadala okueta oondunge de muene, aue, oji inekele doka domoohapu dOmua odo adike.

Oshiviike sha landula ko, oja shuna pongulu ja ka longue oteksti ompe. Nenge ngele inaa mona ompito oku shi ninga, oja tsikile komukunda gulue, no ju uvica ko mbjoka je ji longua. Omuntu ina pitikua okuuvica oteksti ndjoka ine ji longua. Mokuuvica ngeji omuaala gaaakriste ogua tameke okutana. Oguo ningi omacele gatano, nejovi limue, nomajovi gaali. Ngashingeji aakriste oje li po omajovi gatatu. Aalumentu ecele limue ohaa talele po omikunda kehe osondaha nokuuvica oohapu.

Omuhongu ota tsikile manga okupuku- lula aauvici mbaka. Ihe oje ite ke shi ninga sigo aluhe. Ota ti, ngele ta mana okulonga Etestamenti Epe lumue okuza petameko sigo pehulilo, oje ota zi po. Oshilonga ashike otashi cigilua aakriste aavaleluamo. Ojo itaa cigilua oongulu oonene nenge iimaliua ojindji. Ojo otaa cigilua oohapu da Kalunga di noonkondo okuhupica aantu.

Oshiholelua shika shoku Mexico otashi tu longo oshindji. Oshilonga shetumo itashi longua koondunge no kuunkulungu uaantu. Osho otashi pula uudiginini uokudiginina oohapu dOmua noku di hokolola. Nando aahongi aakuilongo naa ze po, osho kashi nambudi, shaa tuu oohapu da Kalunga tadi kala po.

### OOHAPU DA MARTIN LUTHER.

Ompango otaji holola uuvu, evangeli otali u aluda.

Diginina oohapu da Kalunga opo uaa kale auike.

Iilonga iuanaua itaji juukipalica omuntu, aue, omuntu omujuuki oha longo iilonga iuanaua.

Omeitaalo omukriste oje omuene guinima ajihe je ita vulika nando komuntu; omohoole omukriste oje omujakuli guajehe noku nokuvulika ku kehe omuntu.



# OUNJUNI TAU POPI SHIKE

SUIDWES-AFRIKA.

Windhoek.

Ovanamapja ile ovanafalama ova ongala mu Windhoek. Ombinga inene jovanafalama joku Suidwes Afrika oja ninga oshiongalele mu Windhoek mu Junie. Ove li po 3013 mahangano lavo.

Moshiongalele eshi Administrateur Viljoen okua popja ovajakuli vomapja. Oje okua ti eshi a endaenda mOuambo ja a popifa ovañu 1000. Omuene uoshilongo uoñmba okue mu lombuela kokutja tapa njengana okutuma ovamati va uana. Ndelenee oje kombinga jaje muene a hala okuafa moshinima eshi ngashi ta dulu.

Pamadiladilo a Administrateur ovauambo vene va hala okulongifua. Noje a kumaida ovanafalama, nave file oshisho ovauambo vayo noku va pa ofuto ja uana. Noje okua tja natango, koofalama adishe di tulue oluumbo opo ovajakuli va uane shaashi ovafita itava pumbiua vaali Nomashina jo naa longifue.

Administrateur ina hala ovananjalo nande te va tondo shili, okua ti, keshe ou a hala okulomuenjo, na longe jo. Okua kundafanenua jo okukokifa oilja na aveshe va li ve nediladilo limue alike kokutja edu la Suidwes-Afrika tali dulu okukokifa oilja ja uanene ovañu ve li mo.

Okakuejo.

Omafiku ope na eshina okupopja ongoti nomOkakuejo, shaashi ongoti oi li nokuli koofarma di li popepi kanini nOkakuejo. Ovañu tava dulu okupopja fiyo kOutjo nokuWindhoek.

Etosha.

Omudoktora Shoeman a valula oifitukuti joku Etosha. Ota ti: kEtosha. oku neengolo 20,000, eemenje di dule kanini, eemo 1,000, eembashe 100, navaali eembandje neengalangombe neemuuulu. Oje ota ti: oifitukuti oja ninipala unene omolua ojo tai jashua pe he nedimino. Eendjamba da pumba shili. Odi li po 40 vaali. Eenjati kaji po vali kEtosha. Nomu Suidwes-Afrika ashike omu na eenjati 50 adike. Eeñgoshi di li po 100 kEtosha.

Eedila odi li po dihapu. Omudoktora Shoeman muene a hanga ko omaludi e li li noku li li 60. Eedila domomeva odi li po dihapu shili.

NOORD-AFRIKA.

Sudan.

Eeskola dovakriste di li po moudju mu Sudan, shaashi epangelo loku Egypti ola kufa po ekuafu alishe de li peua naale. Nepangelo otali ti vaali: ovalongi ovakriste ve he nokukala vaali moulongi meeskola depangelo. Ovaegypti ve li po ovaislam ile ovamuhamed paitavelo lavo.

ASIE.

Indokina.

Ovafita vahapu vomu Indokina ova dipaelua eitavelo lavo meehani edi. Osho tuu no movaitaveli ovañu vongaho ova li mo ovahepaululohonde vahapu. Ovafita vamue aveke va pitikilua okulonga oshilonga shavo poñele hai pangelua kovakomuniste, ndele ve he nokudilululifa nande umue a ninge omukriste.

AMERIKA.

Ovakatolika vahapu tava ningi ovaevangeli. Ovakatoli ve fike peemiljona ne ve lidilulula va ninga ovaevangeli pomido omulongo da huunina. Pefimbo tuu eli ovañu ve fike po 1,000,000 ova ningi ovakatoli. Ovañu vamue ova lundulula eitavelo lavo moluehombolo, vakua ova ninga ovaevangeli omolu elongo longerki joñguakatoli tali pingakana nombibeli.

Mu Europa (mu Spanie) ovakatoli vahapu va ninga ovaevangeli. Omumbishofi omukuluñu a tuma eembilive okukumaida ovapriisteri aveshe mu Spanie va kenda-bale okukelela ovaprotestanti va ha dilululife ovakatoli.

EUROPA.

Rusland.

Oukriste tau kondjifua mu Rusland. Oshifo shovanjasha ovakomuniste tashi kumaida ovaleshi vasho va kondjife nou-penda shili omaitavelo tave a tala oo oudijo. Oshilonga shotete sha fimana shongudu jovanjasha osho shokukondjifa oudijo uopakriste.

SUID-AFRIKA.

Naweekpos, oshifo shipe. Okudja mu Mei oshifo shipe, edina lasho NAWEEKPOS osha hovela okuholoka melaka loshiakrikaans. Omo omu na omafatululo eendjovo da Kalunga, nomahokololo mauamaa omuñu te a hokua, nomapukululo maua jo. Oshifo eshi tashi uapalele unene ovanjasha. To dulu okulilandela oshifo eshi noadresa ei: Die NAWEEKPOS, Bloemstraat 16. KAAPSTAD. Osho tashi pula 21 s. momudo.

IIPATULULO. . . .

Mokutameka oshigongi shika, otseni atuheni tu ipulapuleni ngele moomuenjo detu otu na oohapu da Kalunga nevangeli lja jela lja Kristus. Ond' uuvite otamu ka kundacana oshinima oshinene. „Ekotampango ljongerki.“ Moomuenjo ngele kamu na oohapu da Kalunga nevangeli lja Kristus, nena oshigongi shika itashi ka vula sha. Ondunge dopantu ohadi vulu ashike okutunga oshungo ja Babel. Ongerki ndjika jo mOuambokavango ngele ita ji dikua koohapu da Kalunga nomevangeli lja jela lja Kristus, ojo itaji ka kala po. Ngele oja tungua koondunge dopantu nena omatidagano nuuhasha otage ji ngumuna po. Ihe ngele aakuashigongi ajehe je na moomuenjo dau oohapu da Kalunga nevangeli lja Kristus, nena oohapu otadi kundacana moshili no mohoole. Kapu na ngoka ti itala oje auke e li moshili. Kehe ngoka ta kala e na uumbanda uujapuki no ti ipula ngeji; Pamue ongame tandi jono oshigongi, pamue ongame tandi eta oshiponga mongerki jetu? Ngele tatu ipulapula ngeji nena ejambeko lja Kalunga otali kajla mongerki onkuaevangeli pa Luther jo mOuambokavango.

Ongerki ja Kristus oji nokukala kuomaujuni go komeho kokulekule, katu shi nkene taji ka kala. Shoka tu shi shi: Konima ketameko oku na omushigakano guo ku Gogata nombila jaa na omudimba. Eso nejumuko lja Jesus olja fa oluaadi, no taku landula ihe endundumo. Okugaluka ku Omuaa Jesus okuo endundumo. Ongerki ja Kristus ano oji li pokati koluaadi nendundumo. Ecimbo efupi. Jesus ote ja mbala.

Oshigongi shika nashi taambe omakundo ga zi kaambisofi jo mu Suomi nokaakriste ookuume ketumo jo mu Suomi. Otaa ti, oje na enjanju enene sho ja mono ompito okulonga oshilonga shetumo mOuambo. Taambeni ano omakundo gohoole jomomuenjo. Amen.”

OSHIPATULULO

oshitijaali osho euuvico ljomuulikitumo T. Vapaavuori, a lesa llonga jaajapostoli, doka tadi ti: „Ojo no ja kala melongo ljaajapostoli no meuuvacano ljauro, no metopelo ljoshikuila, no momagalikano.“ Iil. 2:42. Omatumbulo ge gamue gomeuvico lje ogo ngaka: Aamuameme aahoolike otandi mu etele ekundo ljeuulikongundu ljo mu Suomi mumue noohapu dika. Egongalo lja Jesus pecimbo ljaajapostoli oljo olja kala li na uukumue mombepo, oshoka lja kala momukanka gumue gua kola oKristus. Uupagani noondunge duujuni da li da nukile egongalo li teke po andola, ihe, sigo onena ongerki ja Kristus taji koko no taji taandele muuji auhe, miiguana ajihe no momalaka agehe ge vule nokuli 1000, oshoka ja tungilua momukanka gua kola ogo Kristus.

Ngashingeji pua piti oomvula 800 uukriste sho ua ji mu Suomi. Nqi shi pua piti uo oomvula 84 uukriste sho ua ciki muka mOuambo. Sho nda pitile mOuambo omuvo 1946 ondu uuvu omutoto aniaa one inamu hala ue aasuomi tu longe muka. Aniaa mua hala okutoja nokulonga nejene. Sho nde mu pula ongoje Sem ua jamukula ua ti: „Okanona ngele taka tojo olje ta uuca ecimbo, okanona nenge ojina?“ Otse aasuomi otatu ti, ha tse tatu uca ecimbo ndika ljokutoja kueni, aue, oKalunga. Ihe tse tua hala omunona a koke a tameke okucikama nokulonga iilonga jomukuluntu. Ecimbo ndika ngele lja ciki Kalunga ote shi holola shi uvitike Omunona a koko oje oha taamba oonkondo noondunge ku Kalunga. Otatu ke shi mona moshigongi muka. Omo tuu muka tatu jeleke no tatu dimbulula oondunge deni noonkondo deni. Otse sho tua gongala mongerki muka inatu ja okudana ngashi uunona hau dana pelugo, aue, otu li meha ejapuki okukundacana ngashi aakuluntu haa kundacana.

Ihe otu nokudililika oshinima shimue kutja otse mutse jene katu na oondunge.

„Hatse jene tua guana ando okudiladila sha, ongomutse jene, aue, okuguana kuetu okuomu Kalunga“ 2Kor. 3:5. Otu na aatondi ojendji omutondi guetu gumue oje oondunge detu jene. Oondunge doka tadi zi moomuenjo detu jene. Jaje ngele ongame, Kalunga na gamene ndje koshiponga shika. Ne ku gamene uo uaa landule oondunge domu ngoje muene. Moshigongi shontumba omukuashigongi gumue sho a zi ko okua pulua ku jamue, oshike sha kundacana moshigongi, je okua ti, kandi shi sho ja kundacana, shoka ndi shi shi, ongame nda kondjica iinima ajihe. Oomuenjo detu jene odo oombuinaji, oondunge doka tadi zi moomuenjo detu jene otadi ke tu lilica atuheni oshoka hadi eta oondjahi noontamanana nefupa. Egongalo lja Kristus li nokutungua koondunge tadi zi kombanda. Ngele tatu peua oondunge doka tadi zi kombanda, nena nando oshipa shi kale shi ili, eitaalo olimue nombepo jimue. Uukumue mbuka mu Kristus ouo tau koleke ongerki je jaa tejuje po koombepo duujuni. Miigongingerki ojindji mbjoka nda kala onda lombuelua: Ongerki ongundjuka itaji vulu okucikama manga jaa na eitaalo lja jela. Oshigongi shika oshi vule ajihe ja ningua no taji ka ningua muka, oshoka shika tashi kundacana iinima inene.

Noohapu dika onde egulula oshigongi shika shi tameke oonkundacana. Ihe ongame sho inandi kola otandi indile omukuluntutumua B. Eriksson a taambe oshipundi shika sheviliko a uilike oshigongi. Ihe tango natu pulakene omujenda guetu omuhoolike omuhona guo kOshikango ekundo ndjoka e li etele oshigongi shika.

OSHIPATULULO

oshititatu osho oohapu domupangeli guo kOshikango omuhona Olievier, a ti: Ondi na enjanju enene sho nda peua ompito okukala mokati keni. Otandi pandula omumbisofi naakuluntu ajehe, naasitagongalo jomOuambo onda njanjukua oku mu tala ongundu ji cike Etsikilo kepandja eti 4.

AANTU ITAA JAKULUA MOSTOLA JOMAMBO METIHAMANO KOMATANGO.



# O K A A N D J E T U

OSHIPATULULO . . .

mpa momizalo deni doshilonga. Onde ja mpaka medina lja Horomonta no tandi kundu oshigongi ashibe. Otua kala nuukuumu nane aatumua naasita nando inandi vula okukala momalongelokalunga geni omoluunjengui uandje uelaka ljeni. Sho nda pulakene mpaka ondu uvu omu li pokutoja. Eeno epangelo otali njanjukilua ehumo komeho ljeni no lja hala oku mu kuaca moshinima shika. One mboka aakuateli komeho jongerki otandi mu indile mu diladile uo oojakueni mbejaka kaa uviteko sha natango. Ne mboka mua jambuka jambuleni uo oojakueni. Aluhe aana ja Kalunga oje hoole okukuacacana. Otandi mu londoda isheue mu dimbulukue aluhe kutja omunona nando a tojo oha kala aluhe metonatelo lja jina; Jina oje tuu te mu keelele aluhe kiiponga. Oluindji omunona ke uviteko jina sho te mu keelele, onke omunona ha kala nokukudila, ihe komeho sho a koko opo ta dimbulula kutja, nani meme okua li ta lombuele ndje oondunge. Kotokeni muua ciminike mpoka muuvite mua hala. Uuanaua auhe ou li mevuliko. Aakriste ja shili ohaa jambeke oshilongo. Otandi mu halele ejambeko lja Kalunga li kale moshigongi shika. Dankie.

## EPUKULULO MOKUPOPJA.

Omuñu ngenge ta ende poima a puka ondjila, ota pukululua, opo ta ende naua, shaashi a pukululua. Osho jo ame nda hala okupukulula ovauambo vakuetu metumbulo limue mukupopja kuetu.

Onda uda luhapu omaudifo ovauambo vakuetu; tava ti: „Jesus okua li e nokuja ku Jerusalem. Jesus okua li e nokuvelula omunaudu pediva la Betsaida. Ovañu ova li ve nokuitavela Jesus Kristus.” Ovapuilikini ovo va shiva eendunge domatumbulo oo, otava dimo meudifo loje tava ti: Jesus ina ja ko vali ku Jerusalem; Jesus ina vela vali omunaudu pediva la Betsaida novañu inava itavela vali Jesus Kristus. Osho omuuambolela ta diladila mokuuda amatumbulo oo. Eli olo epuko shili; shaashi ola pukifa novanailongo ava tave lihongo elaka letu. Tala u tale mOmukueta ou N:o 5 ñumbi mu nepuko eli; „Omutumua omusuomi omufitaongalo Paivo Parviainen kua li e nokudja mu Kina, a shuna medu lavo.” Pashiuambo omutumua oo, ina djamu vali mu Kina. Ngenge mu Kina okua djamo; pashiuambo otaku tiua: Omutumua omusuomi omufitaongalo Paivo Parviainen okua dja mu Kina, a shuna medu lavo.

Ovauambo vakuetu, tu li puilikineni ñumbi hatu popi momaudifo etu. Ohatu pukifa unene ovatumua ava tave lihongo elaka letu. Kotokeleni oitja ile amatumbulo aa: Okua li e nokuja ko. tashi ti: ina ja ko vali, Okua li e nokuitavela; ina itavela vali. Okua li e nokulonga; a njengua, ina longa vali.

Kalunga na nangeke nouputa oshishanguapukululo eshi omolua Jesus Kristus.  
H. Paulus Nailenge.



### kO.hitaji:

Helvi David a si 2. 4. '54.  
Emilia Uugulu a si 1 4 '54.  
Maria Amos a si 10 4 '54.  
Monika Uuguanga a si 13 4. '54.  
Aron Tomas a si 1. 3. '54.  
Karolina Amomo a si 30. 5. '54.  
Rosaria Aktofel a si 30. 5. '54.  
Petrus Temus a si 9. 6. '54.  
Paulina Kaueja 1. 6. '54.  
Alisa Stefanus a si 12. 7. '54.  
Johannes Sakaria a si 11. 7. '54.  
Katrina Shilongo a si 13. 7. '54.  
Monika Mvula a si 19. 7. '54.  
Asser Haggaa a si 27. 7. '54.  
Selma Abraham a si 2. 8. '54.

## „PAMUE NA KALUNGA ITO PUMBUA OKUTILA. . . . .

Ejapulo ljaasita sho lja pu, aantu ja fuda manga no ja ka tsikila ihe oshituci moomuandi da Missioni.

Omusita A. Kanalelo a lesa Hes. 34:4. „Oku niingone ja pama komalutu ihe oja ngona koomuenjo no je li po kaa hoole omapukululo. Kalunga ta tumu aaevangaliste momikunda naasitagongalo momagongalo opo iingone ja kuacue.”

Omukuluntutumua B. Eriksson kua lesa Iil. 28:28. „Evangeli oljo elaka lje-hupico, olja tuminua aapagani ojo no taje li uvu.”

Omatanga gaaimbi ga kala uo taga paacana omalufu.

Omukuluntutumua guOkavango V. Teinila nomusitagongalo Matias Shikondombolo oje etele aantu omakundilo gomagongalo gokOkavango. „Ngele otu nombili ja Kristus nena otu li naua shaa mpoka tu li. Oohapu devangeli da pitica omimvo 25 sho da ji kOkavango. Uupagani u li ko uudigu ihe oonkondo da Kristus tadi hilile aantu ojendjijendji kuujelele. Jesus ta longo oshilonga she, tse tatu tala ashike.”

Omusita L. Auala kua lesa 1Kor 15:1-2. Kalunga kua tumu Jesus ahupice aanandjo. Noljo ekota lje-hupico ndika.

Euvico ljomubisofi Simojoki otatu li eta mpaka pafupi.

Pamue na Kalunga ito pumbua okutila okukonda efuta enenenene ihe ngele Kalunga ku mu na nokuja maandjeni oku noshiponga nokuli. Oohapu dika onde di peua komubisofi guandje esiku limue sho nda li nda tameke olueendo olule kombanda jefuta. Pamue na Kalunga ito pumbua okutila okukonda efuta enene, ihe ngele ku mu na, nena okuja maandjeni taku eta nokuli oshiponga. Oohapu dika da tumbulua tangotango komuhongi gumue omunene edina lje John Mott. Oje omuamerika. Otua monacana naje esiku limue. Ngashingeji ta ka tsakanica mbala omimvo 90 Pamue kape nomukuauo e mu vule ando moshilonga shetumo. Tandi mu etele omakundilo ge. Pamue na Kalunga ito pumbua okutila okukonda efuta enene, ihe ngele Kalunga ku mu na, okuja maandjeni oku noshiponga. Ojendji jomune mua kundana ngaa efuta na jamue mue li mono. Ngame onde ende oluindji kefuta mooskepa oonene. Ongerki jeni ojo onene, ihe ojo onshona unene nge tatu ji jeleke noskepa haji ende kefuta. Omakucikuci ogo omanene noonkondo. Esiku limue sho nde ende kefuta omakucikuci ga ningi omale ge vule omilunga dika deni. Omu shi shi tuu oskepa nkene haji ningua omakucikuci sho ga ningi omanene noonkondo. Ojendji haa tila oshikungulu. Ihe pamue na Kalunga ito pumbua okutila ngele to ende kevi nenge kefuta. Ihe itandi diladila iiponga mbjoka ajike. Okukalamuenjo kuomuntu ctaku vulu okujelekua nolueendo luokefuta. Aanona oje li manga pomunkulo guefuta. Muka omu naalumentu mboka ja longo kUushimba. Omua tseja nokuli omakucikuci gokukalamuenjo kuomuntu nkene ga tja. Muka omu na tatekulu Simson na Pinehas. Ojo ohaa tseja naua nokuli okukala kefuta ljokukalamuenjo kuomuntu nkene kua tja. Ngele tandi pula ando tatekulu Simson okukalamuenjo kua li kua tja ngini ando, ando ta jamukula ndje: „Pamue na Kalunga inaandi pumbua okutila sha. Kalunga kua kuaca aluhe.” Nda hala oku mu lombuela one aamua-meme aagundjuka mboka mua peua oshilonga ohela na nena: One otamu ka adika kiikungulu ojindji. Ojendji taa ka cigala. Ihe pamue na Kalunga itatu pumbua oku-

tila sha. Ongerki ja Kristus oja fa oskepa haji ende kefuta. Oskepa ndjika taji adika oluindji koshikungulu oshidigu. Omakucikuci ga hala oku ji ninginicila mefuta. Aakaanakonashanakalunga otaa jolo no taa shehe. Na nena omu na oongerki doka tadi hepekua. One omu nombili natango. Ha apehe ongerki ji nombili. Opu naatondi ja Kristus. Opu niilongo moka aakriste taa kuatua jo taa edililua moondolongo. Opu niilongo moka aasita taa dipagua. Ihe peha ljauo tamu ja aantu jalue taa jakula egongalo meholamo. Na muka uo omu naatondi ja Kristus. Kalunga na gamene evi ndika lja adike komahapeko gatjangaka. Ihe omahapeko ngele taga holoka, dimbulukueni: Pamue na Kalunga ito pumbua okutila sha. Unene one aasitagongalo naakuluntu dimbulukueni shika. Oskepa taji ka cika ngaa kecikilo ljajo. Pamue na Kalunga ito pumbua okutila okukonda efuta enene, ihe ngele Kalunga ku mu na, nena okuja maandjeni oku noshiponga. Oua dimdulula tuu mpoka pu noshiponga? Sho tua hulica oshigongi shika oto shuna kaandjeni. Onda mono ompito oku ka talela po auuambo maandjauo. No momagumbo gaapagani uo. Onda taambua nenjanju nuukuume. Onda jakulua naua. Nge pua piti omasiku gamue tandi ka shuna kaandjetu. Omukulukadi guandje omuhoolike naamuandje otaa ka taamba ndje nenjanju no taa ti: Jaloo, onaua sho ua galuka, otue ku tegelele nondjuulukue. Ngele katu na Kalunga okuja maandjetu oku noshiponga. Omolua shike? Otandi mu lombuele oshinima shimue. Kape na ngoka ta vulu okuetela egumbo oshiponga shi vule shoka omuntu muene te shi eta. Gumue ta vulu okufika po iilja joje nenge egumbo ljoje. Manga nda li kOkavango onda kundana nkene omupagani gumue a fike po iilja jomukriste. Oshiponga oshinene shili. Ihe ngame muene tandi vulu okuetela egumbo ljaandjetu oshiponga oshinene shi vule shika. Ngele tandi ji mo kandi na Kalunga, ongame omujoni guegumbo ljaandjetu. Muka mevi ljaandjeni omu nuvhua tau jono po iinima ojindji. Ngele to ji maandjeni ku na Kalunga ua fokahua to jono po egumbo. Okujona nkuka itaku monika mbala, ihe ongoje ua ningi omujonaguli guegumbo ljaandjeni. Oojina, itamu tila okushuna nena kaandjeni kamu na Kalunga? One oohe, itamu tila okuja kaandjeni kamu na Kalunga? One aagundjuka naanona itamu tila okushuna kaandjeni kamu na Kalunga? One aaevangaliste naasita otamu ji tuu kaandjeni kamu na Kalunga pamue nane? One aakulukadi jaaevangaliste no jaasitagongalo, otandi mu lombuele: Onda li nda kuatua kehalo oku mu icana nane uo mu je koaltari ndi mu jambeke ngashi nda jambeke aalumentu jeni. Otamu pumbua shili ejambeko enene moshilonga sheni, egumbo ljaandjeni opo li kale egumbo ljopahalo lja Kalunga. Otandi mu lombuele one amuhe: Pamue na Kalunga itamu pumbua okutila okukonda efuta enene, ihe ngele Kalunga kamu mu na okuja maandjeni nokuli oku noshiponga. Na shika otandishi mu lombuele uo one aasuomi, aalongi pamue na ngame. One omu li kokule naandjeni, pokati kefuta enene. One omua jakula ndje naua momagumbo geni. Pamue na Kalunga itamu pumbua okutila okukonda efuta enene, ihe ngele kamu na Kalunga okuja kaandjeni oku noshiponga.

Omuendo guandje, hambelala Omua, ngoj' ino dimbua uuanaua ua sha e u ku ningila.

Oshigongi sha hulicua noohapu dimue depandulo no dehambelelo negalikano komusitagongalo Ismael Ntinda.